



Per cunseglis da scola, direcziuns da scola e persungas d'instrucziun

Info 2013/14
Nr. 3

Collaboraziun an la promoiziun integrativa: www.hfh.ch

An classas u partiziuns cun plessas persungas d'instrucziun èn ena clera repartiziun da las incumbensas ed igl scolarimaint da la rolla scu er igl barat l'egn cun l'oter fitg impurtantas premissas per tgi la cooperaziun possa gartager. An igl magazin da la Scola ota per pedagogia curativa (HFH) èn premissas e propostas per soloziuns per ena instrucziun responsada an cuminanza da cattar sot: *Kooperation in Lerngemeinschaften*

Gruppa accumpagnonta engles primara: www.av.s.gr.ch

La gruppa accumpagnonta 'engles primara' metta a disposiziun an sies *rapport intermediar november 2013* nizzevlas infurmaziuns per l'instrucziun d'engles an la 5 e 6avla classa. Dasper las fegnameiras intermediaras e indicaziuns tar la midada an igl scalem superior vign ranviia ad activitads da barat scu er ad ulteriour material d'instrucziun ed adressas d'internet.

New World 1: www.lmv.gr.ch/shop/

Per scolaras e scolaras an igl Grigioni Italiano stat da nov a disposiziun ena glista da plects or digl Pupil's Book (paginas 46-55) an la varianta engles/taliang/tudestg scu *Download*.

Perfecziunamaint engles scalem secundar I: <http://www.phsg.ch>

La Scola ota da pedagogia S.Giagl organischescha an incumbensa digl uffezi da scola e sport en perfecziunamaint da treis deis per tot las persungas d'instrucziun tgi instrueschan engles sen igl scalem superior.

Igl perfecziunamaint obligatoric è partia an dus parts: dus deis scolaziun an didactica linguistica integrativa, cumpatenza metodica ed ena introducziun an igl med d'instrucziun scu er en de da barat ca. 4 – 6 meis pi tard an ena gruppa identica agl curs. Igl curs regiunals vignen organisos la premaveira ed igl aton 2014 e 2015. *Publicaziuns e documaints d'annunztgia* vignen tarmess tiers a la scolas.

Scolarimaints dat er donna Heidi Derungs-Brücker, heidi.derungs@phsg.ch, Tel. 081 353 27 11.

Scolas da talent an igl grischun – procedura d'admissiun 2014:

<http://www.av.s.gr.ch>

Tenor art. 10 da las *directivas concernent las scolas da talent e las classas da talent* legitimescha igl possess d'ena 'Swiss Olympic Talent Card' en access sainz'examen an ena scola u classa da talent. Tots igls ulteriours interessos òn da far en examen d'access. Chel ò li igls 19 da favrer 2014 an la scola professiunala artisanala Coira. Davos termin d'annunzia è igls 31 da schaner 2014.

Cun amicabels saleids, Andrea Caviezel, manader inspecturat cantunal

Part regionala: District Plessur – Grischun central

Mutaziuns tar presidis digl cunsegl da scola

Cun la midada digl onn calendaric dattigl adegna puspe midadas an igls presidis digls cunsegl da scola. Nous supplitgagn d'annunztgier immediat la cumpletta nova adressa incl. nomra da telefon ed adressa d'E-Mail agl noss secretariat. Tal infurmescha er igl uffezi surdlonder.

Termins d'assegnaziun an da scola 2013/14

Termin provisoric d'assegnaziun: 31.01.2014

Termin definitiv d'assegnaziun: 23.04.2014
(per scolas, noua tgi chel termin croda ainten igl taimp da las vacanzas da premaveira, vala scu termin definitiv mintgamai la mesemda avant las vacanzas).

Examen da recurs cantunal: 3. / 4.06.2013

Occurrenz regionalas cunsegl e manaders da scola / persungas da contact

Adatg!

A parteir da chesta premaveira organisaescha noss district angal ple dus occurrenz regionalas per presidis e manaders da scola!

Las invitaziuns cun glista da tractandas suondan a taimp per e-mail.

L'invitaziun sa drezza agls represchantants da las scolas digl onn da scola vegnent (sainza las scolas actualas da Surses).


Cura / noua	Tgi
26.05.2014, a las 19.00 a Coira	Regiun Coira, Scanfetg, Curvalda, Panadoz, Razegn
03.06.2014, a las 20.00 a Tusang	Regiun Tusang, Tumliastga, Schons, Avras, Valragn, Alvra, Surses

Sedutas trimestras cun manaders resp. presidis digls cunsegl da scola

La sagonda seduta trimestra ò li an igl frataimp da la fegn schaner anfignen la fegn mars. Agl center stattan cunsegliaziun e sustign scu er examinaziun da la confurmitad da las normas. Igls termins cun igls presidis resp. manaders da scola coordineschan las inspectouras ed igls inspectours igls proxims deis. Las sedutas trimestras òn li treis gedas an igl frataimp d'en onn da scola. Nous ans legragn sen en barat infurmativ.

Schaner 2014

Per igl team districtual



Pauli Dosch, manader